



27236

Mag. St. Dr.

P

200

24

XII. 14



VERITAS

Suo in Sinis oppresso hoste

TRIVMPHANS.

Sub Auspicijs

ILLVSTRISSIMI &c REVERENDISSIMI  
DOMINI

D. STANISLAI  
CAŁOWANSKI

DEI & Apostolicæ Sedis Gratiâ Episcopi La-  
cedæmoniensis, Suffraganei Archidiaconi,  
Vicarij in Spiritualibus & Officialis Plo-  
censis, Præpositi Pultouiensis &c. &c.

S. R. M. Secretarii.

*Ab Illustri & Magnifica Iuuentute Studiosa*  
In Collegio Karnkouiano Plocensi Societatis JESU  
*Ludis Metagymnasticis*  
in Scenam data

Anno

InnoCVO tVtē qVo gaVDet PræsVLe VerVM.

*Alleg. Jelony. 1686.*

*Featr 1373.*

MDCLXXXUL







*CRUX SOLAM firmat, pariter firmatur ab illa  
Nec status potuit Nobiliore loco.*

*Hic per se forti statio tutissima vers*

*Cui decus & robur CRUX soleata dabit.*

*Dum firmas verum statua tua Laus magè PRÆST*

*Omen habet nomen, Verumque, Vera simul,*

24236. I

BIBLIOTH  
VNIV.



CRACOVIA



# DEDICATIO.

**F**uorem Principum dispendio Veritatis multi lucentur :  
 nos eius Victoria & incrementis optimè de Te mereri conten-  
 dimus. PRÆSUL ILLUSTRISIME. Augustiorem  
 illa Tuis sub auspiciis triumphum celebrabit, cuius vita est Ve-  
 ritas honorata. Solis loco culta Pythagora, aucta sue lucis, ab Il-  
 lustrissima SOLEA Tua ceu altero Sole serenitate, rara nostro cli-  
 matu parelia exhibebit : iam olim Fortitudinis insignita prestan-  
 tia, amplius robur sortietur & nouam Maiestatem. non alterius  
 accessu splendoris illius poterit augeri fulgor, nisi quem sua Patria  
 spargunt cæca : nunquam fucato lumine sub libero celo radiantem.  
 infame Parentis odii amittet nomen ; si tuam fuerit promerita  
 Gratiā. Imo suam Romanis non inuidebit Nobilitatem, Lu-  
 nato SOLEÆ insigni decorata : quod tamen non nisi supra suum  
 Verticem adorabit, eodem firmata, tot retroacta atate afflicta ca-  
 sibus nunquam corruet. Diuinitati proximus humanorum obse-  
 quia non reijcies literarum ; cum sint Diuina, illa quoq; portio Sa-  
 pientie ; triumphanti Verò publicè applaudentes Veritati, rem  
 hominum consuetudine tractant supersorem. Non rarò Karnko-  
 viana Palladis adyta Te ipso consecras, quando illorum tenuita-  
 ti, & Scientiam Virtuti, & Iusticiam Veritati federatam cum  
 Tua infers præsentia Spectatorum grauisimus gratissimusq;. Nec  
 mirum cum extra scenam, veram te magnorum effigiem Antisti-  
 tum cuncti venerantur : nos religioso colimus silentio. Nam

Vera laus sciri fugit, inde clarus

Se sua Titan prohibet videri

Luce, qui totus potuit latere

Maior habetur,

Sarbieu.



Quem tamen parem fulgore *Vica Fulgencio*, pietate *Martino*,  
integritate morum *Innocentius*, veritatis promouenda studio, pro-  
prio *Tuselari Stanislao* cum inuener, mortalem esse, ut illos fu-  
isse dolemus: imo quia verè triumphalem cum iis rectè facto-  
rum gloria Tui Nominis meruisti immortalitatem, gratulamur.  
Optimam animarum messem *Sinenſi Eccleſia* preſſa aliquamdiu,  
victrix tandem maturauit Veritas, eadem hodie in *Scena* tri-  
umphans, colligatas in unum manipulum *Iuuentutis Palladiæ*  
Tuo honori perpetuò obſtriſſas mentes, his æſtatis conſecrat ini-  
tiis, dedicatq̃: felicius in iis *Scientiæ* pullulabit *Segetes*, ſi fuerint  
Illuſtriſſimo gentilitiæ *TUÆ SOLEÆ* lumine, ceu benignioris  
radii *Solis* recreata. Nec alterius *Phæbi* aprico delectatus *Karn-*  
*konianus Agnus*, cognatus eidem inſigni *Generis & Virtutis* ful-  
gens ſplendoribus, facunda pascua ſibi à ſingulari *Optimi Paſto-*  
*rū* promittit beneuolentiâ: quem *Studioſo* grege orbandum, & ite-  
rum eodem, cum accēſſu reduce Coronandum, eiſdem *Nominis*  
honori in perennem dedicat victimam.

Juuentus Studioſa

Collegii *Karnkoniani Ploceſis*

Societatis *JEſu.*

ARGV.



# ARGUMENTVM.

**A**Nno salutis Millesimo sexcentesimo sexagesimo quinto; inuictam in Indias per S. Apostolum Xaverium ab annis tredecim supra centum; promotam verò usq; in Regiam Pekinensem, Sinici Caput Imperii, ab annis 5. supra octoginta per P. Matthæum Riccium S. J. veritatem Fidei, primus Procerum (Gentilianus mutato Sinensi ad pronuntiandum arduo nomine, dicendus) cum alio veteratore (Atheano ob eandem rationem vocando) dum oppugnat, Christi q; Athletas vi & fraude persequitur; laqueo exosam veritati vitam tota cum stirpe cælo vindice deletus terminat.

*Pater Dominicus Gabiani Narrationis Sinicae. par. 3. cap. 9. fol. 603. num. 6.*

## Antiprolodus.

Vmbras Liuris & Fraudis à Karnkouiano Agno, Pietas transformata in Solem gentilitiæ Illustrissimi Præsulis Soleâ dispellit. huic suo Phæbo gratantur Ploenses cum Pallade Camenæ.

## Prologus.

Veritas & Scientia Chinam è faucibus Draconis liberare dum conantur, ab Idololatria & fraude captiuantur, vinctas Dei Prouidentia solatur, libertatemq; promittens, exitum rei inquit.

## ACTVS IMUS

*Scena 1ma.* Conspirat in necem Christianorum Gentilianus cum Atheano, dolens lux subductos crudelitati Sacerdotes Europæos extinctis quantumvis carceris ærumnis aliquot Patribus Religiosis, cæsisque sex Mathematicis Christianis.

*Scena 2da.* Placatus quibusdam donis, permittit vulgari defensionem Patrum Societatis IESV publico scripto exaratam: Vbi dum errores quoque confutari aduertit in Astrologia

Athea-



theano.

*Scena 3ta.* Consulit uterque Idola, à quibus hoc accepto respon-  
so. *Si premia Europam tibi tanta Gentiliane.* Spem ambo con-  
ciunt non modo veritatis opprimendæ, sed etiam Impe-  
rii à Gentiliano obtinendi: eius insigne per carniam inter-  
pretantes.

*Scena 4ta.* Suadet Atheanus Gentiliano fingendas literas à Con-  
stantino, vltima Sinensium Imperatorum prole, Tartaris  
subducta, quasi iis de repetendo Imperio cum Sacerdotibus  
Europæis ageret: Approbatur Consilium abit Gentilianus.

*Scena 5ta.* Nicetas Filius Veriani Senatoris, nostris addicti, deferre  
annulum Horologicum dono Imperatori à Patribus missum:  
quod dum coram Simulante se rebus Catholicis addictum  
incautus reuelat Atheano, ab eo propinata quasi per huma-  
nitatem potione Cha sopitur.

*Scena 6ta.* Somno pressi Nicetæ Atheanus excusso sinu inuentum  
annulum Veneno imbuere, animo, nostros postea criminandi.

### CHORVS.

Mathesis Sinica circa demonstrationem Trigoni erroris  
conuicta à Mathesi Europæa, telis eandem appetit, quæ Fi-  
dei clypeo retunduntur. Karnkouiana verò Palladis Agno  
insidiantia monstra, zelus, teli loco. Cruce, aptatâ in arcum  
Gentilitiâ Illustrissimi Soleâ, cui pietas addit neruum, pro-  
figat.

### Interludium.

## ACTVS 2dus.

*Scena 1ma.* Atheanus accepta notitiâ, annulum à reduce Impera-  
tore ex venatione inspiciendum. Subornat Hariolum, qui  
iussu Deorum moneat eundem, ut sibi caueat à donis Eu-  
ropæorum.

*Scena 2da.* Proficiscitur Imperator ad venandum. Satyrico saltu  
ei applauditur.

*Scena*



*Scena 3ta.* Occurrit Hariolus instructus ab Atheano, affirmat sibi à Dijs reuelatum per dona hodie ab Europæis oblata, Imperatori necem paratam.

*Scena 4ta.* Regreditur in Regiam Imperator, exploraturus Harioli fidem, suadenti Gentiliano vt Sacerdotes Europæi, à quibus dono accepit anulum, carceri mancipentur; annuit.

*Scena 5ta.* Mittuntur Satellites ad illos carceri includendos: literæ, vt conuenerat cum Atheano finguntur à Gentiliano.

*Scena 6ta.* Neophyti prosequuntur luctu Christi pugilum calamitatem.

### C H O R U S.

Ecclesiæ Sinensi Siti salutis suorum æstuanti, Ecclesiæ Europææ propinat salutiferum è sudoribus, Christi operariorum, liquorem. quo illa & se recreat, & plantatam rigat Vincam. Agno verò Palladis Karnkouianæ limpidum fontem ad delicias excutit Gentilicia Illustrissimi Præsulis Solea.

*Interludium.*

### A C T V S 3tius.

*Scena 1ma.* Præfectus Thesauri iubente Imperatore, anulum præsentat, sed alium dono olim à Patre Adamo Imperatoris Parenti oblatum; priori casu perduto omnino similem.

*Scena 2da.* Fingit Atheanus indicia veneni apparere in annulo; induit digitum cuiusdam damnati: quem nequaquam mori aduertens, inspirato in aures magico carmine, ad mortis suspicionem sopit.

*Scena 3ta.* Excandescit Imperator contra Sacerdotes Europæos, doni latorem Nicetam captiuari præcipit. Simulque Verianum pro filio intercedentem carceri adiudicat.

*Scena 4ta.* Succendere conatur vehementius Imperatoris furem Gentilianus, productis confectis literis à Constantino, quarum sensum interpretatur Steganographice scriptarum, hunc esse. *Consulte rebus meis, breui armatus adero, me vosq; vindicaturus.*



*Scena 5ta.* Disceptatur causa reorum à Præsidibus coràm Imperatore, ad laqueum Sacerdotes cum Niceta damnantur: cuius Parens Verianus exilio puniendus decernitur. Fides Catholica eliminanda iuadetur aditus captiuorum scuerè prohibetur.

*Scena 6ta.* Officium Veriani Clyto Filio impetrat Gentilianus, què Clytum intercedentem pro Niceta, suo olim compalzitrica, non audit.

*Scena 7ma.* Dolet Sortem Nicetæ Clytus. Liberare eundè statuit.

C H O R V S.

Amicis Veritatis captiuis, Coronas pro Patientia necesse Prouidentia Diuina. Profapia verò Illustrissimæ Solæ cognata recenset decora.

*Interludium.*

## A C T V S 4tus.

*Scena 1ma.* Gentilianus Nicetam capite plexurus, pro illo Filium in carcere reperit. Furit contra Verianum. Quæri iubet Nicetam, similemq; illi repertum iuuenem obtruncat.

*Scena 2da.* Mittit Clytum grauitè admonitum ad maturandam Christi Athletis necem. Ipse pergit ad Imperatorem, adducturus in capitis discrimen Verianum.

*Scena 3ta.* Clytus reluctante gressu, necem Sacerdotibus Europæis ferens, à plebeio homine repertum in Nido Aus lucung dictæ mercatur annulum, quem gestaturus, nudo dum applicat pectori, veneno afficitur.

*Scena 4ta.* Redux Gentilianus languentem reperit Filium, incusat Christianos.

*Scena 5ta.* Adest Atheanus rogatus vt consulat Clyto agnoscat causam morbi esse annulum à se veneno imbutum, sed ignorare dicit, quâ viâ ad eum peruenisset.

*Scena 6ta.* Furit Gentilianus contra Atheanum ob causatum Filio lethalem morbum: dum secum acius contendunt, clamores exaudit, & sic de omnibus certior Astræus, aule & custodum



Rodum Praefectus. Promissione Imperij placatur Gentilianus, sanitatisque filio restituendae, & accepta in pignus Schēdā Sanguine notatā. *Ni fueris Imperator morbum filii vindicabū, obitinate persequi statuit Christianos.*

*Scena 7ma.* Mittit Satellitem ad occidendum Verianum, sed hic ab Astræo inductus, alium capite plectit. Verianus carceri eximitur.

*Scena 8ma.* Liber Verianus fugam meditatur. Benè sperare iubetur ab Astræo Filium deplorans Cæsum, sibi conspicit occurrentem. Fugit, umbram ratus, ipse etiam mortui locohabitus à Filio comperto errore sibi inuicem vitam gratulantur. Plebis superuenientis fauori commendantur ab Astræo.

*Scena 9ma.* Quærent ex Astræo custodes quid fieri iubeat de caduere occisi à Gentiliano Nicetæ; ille Nicetam viuere præsentem sciens, iubet illud sibi præsentari, agnoscitque pro Nicetæ cælum à Gentiliano suum Ælium, Iudo se circa turrim captiuorum puerili exercentem, cum quo habitum liberatus per Clytæm Nicetas commutauerat.

*Scena 10.* Deslet Filij necem Astræus, patefactis fraudibus Gentiliani; Statuit vindicare. Plebem iam pridem odio contra illum æstuantem magis concitat.

C H. Q R V S.

Paredrum ex Anglia in Sinas ad affligendos IESV Socios transeuntem D. Archangelus Michael vinctum intrudit. Orco. Liorem verò & dolum rubiginem Illustrissimæ Soles affricare tentantes, Virtus conficit, Obrizoque illam vestit auro.

*Interludium.*

## ACTVS 5tus.

*Scena 1ma.* Nuntiatur, palatium Imperatoris absumi incendio. tumultuantur omnes, fugit Imperator ex vrbe. Occurrit Plebs, queritur contra crudelitatem Gentiliani, supplicat.



cat pro Veriano, eiusque Filio neci subducto, declarat vtriusque innocentiam Astræus, patefacit fraudibus Gentiliani & Atheani, casum à primo illorum proprium filium ingemiscens, expostulat cum Imperatore.

*Scena 2da.* Mater Imperatoris per suæ præfectum auxilium pro captivis intercedit Christianis, asserens se in somnio vidisse, è medijs flagrantis Regiæ flammis efferri filium manibus Europæorum Sacerdotum. morem gerit Imperator, & solutos Patres sibi sisti præcipit.

*Scena 3ta.* Exoritur clamor populi. Turbatur Imperator, putans incendio perire Regiam; sed hoc illi nuntiatur subsedisse. causam verò tumultuantis populi, dicit esse direptionem templorum, & gemini Patrum Orientalis & occidentalis domicilij ruinam iussu Gentiliani, quem sibi sisti præcipit, templorum verò direptionem prohiberi.

*Scena 4ta.* Adest plenus furore Gentilianus. Tumidè loquitur cū Imperatore, spem Imperij falso promissam animo fouens.

*Scena 5ta.* Exponit suorum innocentiam Pater Ferdinandus Verbiest in habitu Mandarinj. Crimina obiecta à Gentiliano Atheanoque diluit, producto Superstite illo homine, quem Gentilianus ad suspicionem mortis sopierat; & Tribuno Militum Tartaro, qui non pridem in Vrbe Sionæ præsens asseruit mortuum Constantinum, ante datam in literis à Gentiliano confictis expressam.

*Scena 6ta.* Dilutis fraudulentis accusationibus Aduersarij, idem Pater fractas ostendit tabulas, notatas olim in Gratiam Patrum manu Parentis Imperatoria, quam Superstes veneratus Imperator, Gentilianum pro tanto auxilio exauctorari præcipit.

*Scena 7ma.* Gentilianus exauctorandus, dum sui officij vestibus exiit, reperitur in sinu illius Scheda cum illo Atheani promisso, *Ne fueris Imperator &c.* rebellionis reus proclamatur.

*Scena 8va.* Excussio curiosius eius sinu iussu Imperatoris, inuenti codicilli ab illo, ad quendam intimum hoc stylo exarati. *Fidem Europæam deleo, Imperator sequetur, infrusta concidendus iudicatur.*

*Scenæ*

*Scena 9a.* Decem millia Myriadum auri pro sui offerens redemptione, non auditur, intercedentibus pro se etiam Catholicis, elementiori sententiâ ad laqueum damnatur. Pars gazæ illius nostris adiudicatur. Propensus Fidei Clytus eius Filius vitâ donatus, ad preces P. Ferdinandi eidem adiudicatur. Reliqua eius propago ad septimam vique generationem delenda statuitur.


*Scena 10.* Fuga Atheani nunciatur. Ad mortem is quoque quæri iubetur. Imperator diploma sui Parentis libertatem discernendæ Fidei permittens, confirmat: vltiores Patribus promittit fauores.

*Scena vltima.* Suspendium Gentiliani repræsentat. Trahitur eius Familia ad necem. Triumphat Veritas, imperatoris taniâ loco laqueum possidente Aduersario.

### *Epilogus.*

Veritas hoc in Sinis gloriosa triumpho sedem fixam quærens, consistit tanquam in triumphali arcu, sub Gentilitia Illustrissimi Præfulis Solea. Pallas Karnkoviana, & Insigni, tantum Incolam, & Incolæ Veritati, tam nobilem stationem gratulata, per suos applaudit alumnos. Legitur Elenchus eorum qui è tenebris ignorantis ad lucem veritatis superioris eluctati, Illustre publicè pro sua in profligandis rudioris ætatis erroribus encomium meruere.

Ad M. D. O. M. G. B. V. M. S. L. O. C. Honorem,





The first of these is the fact that the  
 second of these is the fact that the  
 third of these is the fact that the  
 fourth of these is the fact that the  
 fifth of these is the fact that the  
 sixth of these is the fact that the  
 seventh of these is the fact that the  
 eighth of these is the fact that the  
 ninth of these is the fact that the  
 tenth of these is the fact that the

1. Die erste Gruppe ist die der "Klassiker", die in der ersten Hälfte des 19. Jahrhunderts lebten und die die Grundlagen der deutschen Literaturgeschichte legten. Zu den bekanntesten Autoren dieser Gruppe gehören Goethe, Schiller und Hegel.

ALM.D.OMG.B.V.M.S.L.O.C. Honorem







